

Ilinniagaqarnersiutit pillugit Inatsisartut peqquussutaat

Inuussutissarsiutinik ilinniartitsisarnermik Kalaallit Nunaannut inatsimmi nr. 582-imi 29. november 1978-imeersumi § 5 malillugu aalajangersarneqarput makku:

Kapitali 1

Atuuffia

§ 1. Ilinniartitaanernut Kalaallit Nunaanni ingerlanneqartunut Namminersornerullutik Oqartussat ilinniagaqarnersiuteqartitsisuupput.

Imm. 2. Ilinniartitaanernut Kalaallit Nunaata avataani ingerlanneqartunut ilinniagaqarnersiuteqartitsisoqarsinnaavoq:

- 1) ilinniartitaaneq Kalaallit Nunaanni suliffissaqartitsisinnaasutut naatsorsuutigineqarsinnaappat, aammalu
- 2) ilinniartitaaneq tassunga assingusoq Kalaallit Nunaanni ingerlanneqarsinnaanngippat.

Imm. 3. Immikkut illuinnartumik pissutissaqartillugu imm. 2-mi piumasaqaataasut atuutsinneqannginnissaat Naalakkersuisut immikkut akuersissutigisinnaavaat.

Imm. 4. Misileraalluni aaqquissuussinermut ilagitillugu imm. 2, nr. 2-mi piumasaqaataasut Naalakkersuisut saneqqussinnaavaat.

Imm. 5. Misileraaneq pillugu malittarisassat Naalakkersuisut aalajangersarsinnaavaat.

§ 2. Ilinniagaqarnersiutit ilinniagaqartunut ilinniakkamik ilinniagaqarnersiutisiaqaataasinnaasunik ingerlatsisunut tunniunneqartarput.

Imm. 2. Ilinniakkap ilinniagaqarnersiutisiaqaataasinnaanissaanut piumasaqaatit naammassineqartussat Naalakkersuisunit aalajangersarneqassapput.

§ 3. Ilinniagaqarnersiutit akissarsianut aningaasartuutitut tapiissutitut sulisitsisut makkuninnga atorfnitsitsineranni sulisitsisunut tunniunneqartassapput:

- 1) Inuussutissarsiutinik ilinniartitsinerit aamma inuussutissarsiutinik ilinniartitsinermit pikkorissaanerit pillugit Inatsisartut peqqussutaat tunngavigalugu inuussutissarsiutinik tunngaviumik ilinniartitsinermit ilinniartuusunik (lærlinginik).
- 2) Lærlinginik sulinermit Kalaallit Nunaanni misiliisunik atuarnerminnu atavillugu Danmarkimi najugaqartunik.

Kapitali 2

Ilinniagaqarnersiutit suussusii aningaasartaasalu amerlassusii

§ 4. Ilinniagaqarnersiutit tunniunneqarsinnaapput tapiissutitut (naafferartumik ingerlasut) (stipendium), meeqqanut tapiissutitut, immikkut pisartakkatut, Nunatta Karsianit qularnaveeqqusigaasumik taarsigassarsiatut, imaluunniit aningaaserivinni taarsigassarsianut qularnaveeqqutitut. Ingerlaqqiffiusumik ilinniagaqartunut ilinniagaqarnersiutit qiortartakkatut periuseq malillugu piffissami aalajangersimasumi killilikkami tunniunneqartassapput.

Imm. 2. Naalakkersuisut ilinniagaqartullu kattuffiisa tamanna pillugu sioqqutsisumik isumasioqatigeereernerisigut tapiissutit taarsigassarsiarineqarsinnaasullu amerlassusissaat, ikaarsaariarnermi aaqqissuussinerit aammalu immikkut tunniunneqartarumaartussat aningaasanut inatsimmi aalajangersarneqassapput.

Imm. 3. Naalakkersuisut ilinniagaqartut kattuffinut tamanna pillugu oqaaseqaammik sioqqutsisumik pissarsiniaqqaarlutik ilinniagaqarnersiutit suussusissaat amerlassusissaallu pillugit malittarisassat aalajangersassavaat, matumani taarsigassarsianut akiligassarsianullu qularnaveeqqusiisarneq pillugu malittarisassat ilanngullugit, kiisalu ikaarsaariarnermi aaqqissuussinerit.

§ 5. Sulisitsisunut tapiissutit amerlassusissaat, tak. § 3, aningaasanut inatsimmi aalajangersarneqartassapput. Tapiissutit Nunatta Karsianit aamma inuussutissarsiutitigut ilinniagaqarnermut sulisitsisut akiliutaat pillugit Inatsisartut inatsisaat tunngavigalugu inuussutissarsiutitigut ilinniagaqarnermut sulisitsisut akiuliutaasigut aningaasalersorneqassapput. Aningaasalersuineri akileeataassutit amerlassusissaat aningaasanik inatsimmi aalajangersarneqartassapput.

Imm. 2. Tapiissuteqartarnermut siunertat, taakkuninnga aqutsineq, tapiissuteqarnissamut piumasaqaatit kiisalu tapiissutit qanoq annertutigisumik tunniunneqartarnissaat pillugit malittarisassat Naalakkersuisut aalajangersarsinnaavaat.

Kapitali 3

Ilinniagaqarnersiuteqarnissamut piumasaqaatit paasissutissiisussaataitaanerlu

§ 6. Ilinniagaqarnersiutisiaqassagaanni danskisut innuttaassuseqarnissaq piumasaqaataavoq.

Imm. 2. Taamaattoorli nunani allamiut ilinniagaqarnersiutisiaqarsinnaapput, nunat tamat akornanni isumaqatigiissutit Kalaallit Nunaannut atuuttut tunngavigalugit danskisut innuttaasunut naligititaallutik ilinniagaqarnersiutisiaqarsinnaatitaagunik.

§ 7. Kalaallit Nunaanni ilinniartitaanernut ilinniagaqarnersiutisiaqartitsisoqarsinnaavoq iunnet Kalaallit Nunaanni najugaqavissunut.

§ 8. Kalaallit Nunaata avataani ilinniartitaanernut ilinniagaqarnersiutisiaqartitsisoqarsinnaavoq iunnet

1) qinnuteqarnermik nalaani Kalaallit Nunaanni najugaqavissunut, qinnuteqarnerlu sioqqullugu

sivikinnerpaamik ukiuni tallimani najugaqavissimasunut, imaluunniit

2) Kalaallit Nunaanni sivikinnerpaamik ukiuni qulini najugaqavissimasunut Kalaallillu Nunaata avataani sivilisinnerpaamik ukiuni pingasuni aalajangersimasumik najugaqarsimasunut.

Imm. 2. Imm. 1 naapertorlugu Kalaallit Nunaata avataani najugaqarnertut naatsorsuutigineqanngillat ukuninnga pissuteqartut:

1) ilinniagaqarneq

2) isumaginninneq aallaavigalugu Kalaallit Nunaanni oqartussaasunit peqataaffigineqartumik najugaqarneq.

§ 9. Ilinniagaqartut inuuniarnermi aningaasartuutaasa akilerneqarnissaat siunertaralugu pisortanit ikiorsiissutinik allanik ataavartumik pisartagaqartinneqartut tapiissutisinissamut meeqqanullu tapiissutisinissamut mattunneqarsinnaapput.

Imm. 2. Ilinniagaqartut ilinniarnermik nalaani ilinniagaqarnerminnut atatillugu aningaasarsiaqartut imaluunniit ilinniarnerminnut atatillugu inuuniarnermut matusissutissanik allatut aningaasarsiaqartut tapiissutisiaqarsinnaatitaangillat.

§ 10. Ilinniagaqartut ilinniagaqarnerstiuteqarsinnaassagunik ilinniagaqarnerstiutisiaqarnissamut paasissutissat imminnut tunngasut pingaaruteqartut tamaasa Naalakkersuisunut nalunaarutigissavaat, kingusinnerusukkullu pissutsit tamakku allannguuteqassappata Naalakkersuisunut ingerlaannaq nalunaarutigissallugit.

§ 11. Ilinniagaqartut kattuffii sioqqutsisumik oqaaseqaateqartereerlugit ilinniagaqarnerstiutisiaqassagaanni piumasaqaatit pillugit malittarisassanik amerlanerusunik Naalakkersuisut aalajangersaasinnaapput.

§ 12. Pisuni immikkut illuinnartuni § 6, imm. 1-imi, § 7-imi aamma § 8, imm. 1-imi piumasaqaatit atuutsinneqannginnissaat Naalakkersuisut immikkut akuersissutigisinnaavaat.

Kapitali 4

Ilinniarnermi taarsigassarsiat Nunatta Karsianit aningaasalersorneqartut ernialersugaanerat

§ 13. Ilinniarnermi taarsigassarsiat Nunatta Karsianit aningaasalersorneqartut ilinniagaqarnerup nalaani ernialersorneqassanngillat, taarsigassarsisoq ilinniagaqarnerstiutisiaqarnissamut piumasaqaatinik sukkulluunniit aalajangersarneqartunik naammassinnissimatillugu.

Imm. 2. Ilinniagaqarnerup unitsinneqarnerata naammassineqarnerataluunniit kingorna ullormit siullermit aallartittumik pineqartup ilinniagaqarnerminut atatillugu taarsigassarsiaanut sukkulluunniit akiitsorneqartut ernialersorneqalissapput, pisortat sukkulluunniit diskontoat procentimik ataatsimik ilasaq atorlugu. Erniat ukiut tamaasa 31. december imaluunniit ulloq akiitsut akilerneqarfiat killiffigalugu naatsorsuusiorneqartassapput.

Imm. 3. Taarsigassarsisoq Namminersornerullutik Oqartussaniit ilinniagaqarnerstiuteqarnissamut pisinnaatitaajunnaarpat ullup taassuma aqaguaniit taarsigassarsiat ernialersorneqalissapput akiitsut annertussusaat aallaavigalugu pisortat sukkulluunniit diskontoat procentimik ataatsimik ilasaq ernialiullugu. Erniat ukiut tamaasa 31. december imaluunniit akiitsut ulloq akilerneqarfiat killiffigalugu naatsorsuusiorneqartassapput.

Imm. 4. Pissutsit immikkut ittut tamanna ajornartinnigpassuk imm. 3-p atuutsinneqannginnissaa Naalakkersuisut immikkut akuersissutigisinnaavaat.

§ 14. Ilinniarnermik unitsitsigallarneq suliamik misiliivissaaleqinermik, ilinnianngiffeqarallarnermik, matumani naartunermi erninermilu ilinnianngiffeqarallarneq napparsimanerillu uppersaaserneqartut ilanngullugit, patsiseqarpat § 13, imm. 2 malillugu unitsitsinertut isigineqassanngilaq.

Imm. 2. Ilinniarnermik unitsitsigallarneq ukioq ataaseq sinnerlugu sivilissuseqarpat, pineqartup ilinniagaqarnermut atatillugu taarsigassarsiaanut sukkulluunniit akiitsut § 13, imm. 2-mi aalajangersagaq malillugu ernialersorneqalissapput, unitsitsinerup ukiumik ataatsimik sivilissuseqalernerata kingorna ullormit siullermit aallartittumik.

§ 15. Ilinniagaqartoq ilinniarnernik unitsitsinermi kingorna ilinniarnernik aallartitseqqippat pisinnaatitaaffinilu malillugit Namminersornerullutik Oqartussanit ilinniagaqarnerstiuteqalerpat

pineqartup ilinniagaqarnermi taarsigassarsianut sukkulluunniit akiitsuia ernialersorneqarnerat unitsinneqassaaq, ilinniarnernup aallarteqqinneqarnera peqatigalugu atuutilersumik.

Imm. 2. Ilinniagaqartoq ilinniarnernup unitsinnerata naammassinerataluunniit kingorna ilinniarnermik ilinniagaqarnerisiutisiaqarfusinnaatitaasumik nutaamik aallartitsippat malittarisassallu malillugit Namminersornerullutik Oqartussanit ilinniagaqarnerisiutisisalerpat pineqartup ilinniagaqarnermi taarsigassarsianut sukkulluunniit akiitsuia ernialersorneqarnerat unitsinneqassaaq, ilinniarnernup aallarteqqinneqarnera peqatigalugu atuutilersumik.

Imm. 3. Ilinniarnernup unitsinneqarnerata naammassineqarnerataluunniit aqaguani atuutilersumik pineqartup ilinniagaqarnermi taarsigassarsianut sukkulluunniit akiitsuia ernialersorneqarnerat § 13, imm. 2-mi periaasissatut taaneqartoq malillugu aallarteqqinneqassaaq.

Imm. 4. Pissutsit immikkut ittut tamanna ajornartinnigippassuk imm. 3-p atuutinnginnissaa Naalakkersuisut immikkut akuersissutigisinnaavaat.

§ 16. Pissutsit immikkut pisariaqartippassuk Naalakkersuisut taarsigassarsisumut allakkatigut nalunaarutigisinnaavaat:

1) tamakkiisumik ilaannakortumilluunniit ernialiisoqassanngitsoq.

2) ernialiunneqareersut tamakkiisumik ilaannakortumilluunniit isumakkeerneqassasut.

Imm. 2. Ilinniagaqarnermi taarsigassarsiat Nunatta Karsianit aningaasalersorneqartut ernialersorneqarnerat pillugu malittarisassanik amerlanerusunik Naalakkersuisut aalajangersaasinnaapput.

Kapitali 5

Ilinniagaqarnermi taarsigassarsiat Nunatta Karsianit aningaasalersorneqartut akilersorneqartarnerat

§ 17. Ilinniagaqarnermi taarsigassarsiat Nunatta Karsianit aningaasalersorneqartut akilersorneqarnerat ilinniarnernup naammassinerata kingorna kingusinnerpaamik ukiup ataatsip qaangiunnerani aallartinneqassaaq. Ilinniarneq unitsinneqarpat akilersuineq unitsitsinermit kingusinnerpaamik qaammatit pingasut qaangiunneranni aallartinneqassaaq.

Imm. 2. Ilinniarnermik unitsigallarneq suliamik misiliivissaaleqinermik, ilinnianngiffeqarallarnermik, matumani naartunermi erninermilu ilinnianngiffeqarallarneq napparsimanerillu uppersaaserneqartut ilanngullugit, patsiseqarpat § 17, imm. 1 malillugu unitsitsinertut isigineqassanngilaq.

Imm. 3. Unitsitsigallarneq ukioq ataaseq sinnerlugu sivissuseqarpat taarsigassarsianik akilersuineq Naalakkersuisut tamatumunga piumasaqarnerat malillugu aallartinneqassaaq.

Imm. 4. Ilinniagaqartoq ilinniarnernik ilinniagaqarnerisiutisiaqarfusinnaatitaasumik nutaamik aallartitsippat imaluunniit ilinniarnernik unitsitarnik aallartitseqqippat ilinniagaqarnerisiuteqarsinnaanermullu piumasaqaatinik eqqortitsippat siornatigut taarsigassarsiaasimasunik akilersuisussaataaneq unitsikkallarneqassaaq. Ilinniarnernup naammassineqarnerani unitsinneqarneraniluunniit akilersuisussaataaneq imm. 1-mi aalajangersagaq malillugu atuutilluqissaaq.

§ 18. Ilinniarnermi taarsigassarsiat Nunatta Karsianit aningaasalersugaasut erniaallu utertitsilluni akilersuisussaataanerup aallartinneqarnerat ukiut 15-it qaangiutinnagit akilerneqareersimassapput. Akilersuinerli pissaaq qaammammut ikinnerpaamik 500,00 kr-nik akiliisarnikkut.

Imm. 2. § 17, imm. 4 tunngavigalugu akilersuisussaataaneq unitsikkallarneqarpat imm. 1-mi piffissap akilersuiffissap sivisunerpaaffissaa piffissap akilersuinerup unitsinneqarfigisimasaata sivisoqataanik

sivitsorneqassaaq.

Imm. 3. Piffissap akilersuisussaatitaaffiusup aallartinnginnerani taarsigassarsisoq ilinniarnermi taarsigassarsiat akilersorneqarnissaat pillugu Naalakkersuisunut isumaqatigiissuteqassalluni pisussaatitaavoq.

Imm. 4. Taarsigassarsisoq Naalakkersuisunit qinnuigineqaraluarluni ilinniarnermi taarsigassarsiaasimasunik akilersuinissamut piffissaagallartillugu isumaqatigiissuteqarsimanngippat Naalakkersuisut killissarititaasut imm. 1-imi taaneqartut iluanni taarsigassarsisumut akilersui-nermik aaqqissuussineq oqinnerpaaq aalajangersassavaat.

Imm. 5. Tamanna pillugu qinnuteqartoqarneratigut akilersuinissamut atugassarititaasunik Naalakkersuisut oqilisaasinnaapput imaluunniit akilersuinissamik kinguartitsisinnaallutik, taarsigassarsisoq suliffissaaleqineq, napparsimaneq, ernineq imaluunniit pissutsit allat immikkut ittut pissutigalugit utertitsilluni akilersuinissamut aaqqissuussinermik malinnissinnaanngippat. Taamaattorli imm. 1 tunngavigalugu sivisunerpaamik ukiuni 15-imi akilersuisussaatitaaneq saneqqunneqarsinnaanngilaq.

§ 19. Taarsigassarsisoq akilersuinissamik isumaqatigiissutaasumik imaluunniit akilersuinissamik aalajangersakkamik malinnissinnaanngippat piumaffiginnereerlutik akiitsut ernialiunneqarsimasut ilanngullugit annaasassaajunnaarlugit ingerlaannartumik Naalakkersuisut akileqqusinnaavaat.

§ 20. Ilinniarnermi taarsigassarsianik Nunatta Karsianit aningaasalersugaasunik akilersuisarnek pillugu malittarisassanik amerlanerusunik Naalakkersuisut aalajangersaasinnaapput.

Kapitali 6

Ilinniagaqarnersiutinik tigusassarinagit tigusanik ernialersuineq utertitsillunilu akiliineq

§ 21. Ilinniagaqartoq pissutsit § 10-mi taaneqartut pillugit eqqunngitsunik amigartunilluunniit paasissutissiippat, imaluunniit pissutsit allannguutaasut piaaraluni nalunaarutiginngippagit, imaluunniit ilinniagaqarnersiutinik peqquserlulluni tigusaqartarsimappat ilinniagaqarnersiutit tigusassarinagit tiguneqarsimasut ernialerlugit akilerneqarnissaat Naalakkersuisut piumasaqaatigissavaat.

Imm. 2. Ilinniagaqarnersiutit tigusisup eqqunngitsunik amigartunilluunniit paasissutissiinerup kingunerisaanik tigusimasai piffissamit tigusiffiusumit aallartittumik ernialersorneqassapput.

Imm. 3. Ilinniagaqarnersiutit tigusisup peqquserlulluni tigusimasai piffissamit tigusisup piffissaq ilinniagaqarnersiutit peqquserluttumik tigullugit ilisimaarinnilerfigisimasaatut naatsorsuutigineqartoq aallarnerfigalugu ernialersorneqassapput.

Imm. 4. Imm. 2 aamma imm. 3 malillugit ilinniagaqarnersiutisiaqarsinnaananani ilinniagaqarnersiutit tiguneqartut ukiumoortumik ernialersorneqassapput pisortat sukkulluunniit diskontoat 6 procentimik ilallugu. Akiitsut sukkulluunniit annertussusaat aallaavigalugu ernialersorneqassapput. Erniat ukiut tamaasa 31. december imaluunniit ulloq akiitsut akilerneqarfiat killiffigalugu naatsorsuusiorneqartassapput.

§ 22. Ilinniagaqarnersiutit tigusisumit tigususnaanagit peqquserlunnani tiguneqarsimasut ingerlaannartumillu tigusisumik akilerneqarsinnaanngitsut ilinniarnermi taarsigassarsiannngortillugit Naalakkersuisunit allanngortinneqassapput. Ilinniagaqarnersiutinik tigusisumit tigususnaanagit peqquserlunnani tiguneqarsimasunik ernialersuineq akilersuinerlu ilinniarnermi taarsigassarsiat pillugit malittarisassat peqqussutip matuma kapitaliini 4-mi aamma 5-imi allassimasut malillugit pisassaaq.

§ 23. Ilinniagaqarnersiutit tigusassarinagit tiguneqartut ernialersorneqarnissaat akilersorneqarnissaallu pillugit malittarisassanik amerlanerusunik Naalakkersuisut aalajangersaasinnaapput.

Kapitali 7

Ilinniagaqarnersiutinit ilanngaassisarneq

§ 24. Ilinniagaqarnersiutinit Naalakkersuisut ilanngaatisinnaavaat makku:

- 1) Ilinniartut ineqarfini ineqarfinnilu allani Namminersornerullutik Oqartussanit kommuninilluunniit pigineqartuni ingerlanneqartuniluunniit nerisaqarnermut ineqarnermullu akiliutit.
- 2) Ilinniartut ineqarfini ineqarfinnilu allani Namminersornerullutik Oqartussanit kommuninilluunniit akilersorneqartuni nerisaqarnermut ineqarnermullu akiliutit.
- 3) Ilinniagaqartut kattuffimminut ilaasortaanerminnut akiliutaat.

Imm. 2. Ilinniagaqartup isumaqatigiissut malillugu imm. 1, nr. 1 aamma 2 tunngavigalugit ineqarnermut nerisaqarnermullu akiliutissai piffissamut isumaqatigiissutaasimasumut ilanngaatigineqarsinnaapput.

Imm. 3. Ilinniagaqartoq kattuffimminut ilaasortaajunnaarpat ilinniagaqartut kattuffisa tamanna ingerlaannartumik allakkatigut Naalakkersuisunut nalunaarutigissavaat.

§ 25. Ilinniagaqartup ilinniagaqarnersiutitigut pisassarisai akiligassanut allanut matussutissatut arsaarinnissutigineqarsinnaanngillat allatigulluunniit eqqartuussivikkoortumik malersorneqaatinut atorneqarsinnaanatik.

Imm. 2. Ilinniagaqartup nammineq piumassutsiminik allanut akiligassaminik ilinniagaqarnersiutiminik ilanngaatitsittarluni akilersuinissaminik isumaqatigiissutigisimasinnaasaa Naalakkersuisut kisiat malittussaavaat, ilanngaatigineqartartussat qaammammut 500,00 kr.-t sinnersimanngippagit.

§ 26. Ilinniagaqartup ilinniagaqarnersiutitigut pisassarisaanit ilinniagaqarnersiutit amerlanaarlugit tunniunneqarsimasut ilinniagaqartup peqquserluuteqarluni tigusimasai Naalakkersuisut ilanngaatisinnaavaat.

Kapitali 8

Aqutsineq naammagittaalliuuteqartarnerlu

§ 27. Ilinniagaqarnersiutit pillugit malittarisassat Naalakkersuisunit aqunneqarput, taamaattorli tak. imm. 2 aamma 3.

Imm. 2. Ilinniagaqarnersiutit pillugit malittarisassat aqunneqarnerat Namminersornerullutik Oqartussat ataanni oqartussaasunut allanut tamakkiisumik ilaannakortumilluunniit Naalakkersuisut tunniussinnaavaat.

Imm. 3. Ilinniagaqarnersiutit pillugit malittarisassanik aqutsineq allakkatigut isumaqatigiissuteqarnikkut suliffeqarfimmut namminersortumut Naalakkersuisut tunniussinnaavaat.

Imm. 4. Ilinniagaqarnersiutit pillugit malittarisassat aqunneqarnerat pillugu malittarisassat erseqqinnerusut Naalakkersuisut aalajangersarsinnaavaat.

Imm. 5. Ilinniagaqarnersiutit ilinniagaqarnersiutisisartup Kalaallit Nunaanni Danmarkimiluunniit aningaaserivimmi kontoanut nakkartinneqartassapput.

§ 28. Oqartussaasut, suliffeqarfiit suliffeqarfillu namminersortut § 27, imm. 1-3-mi taaneqartut

- 1) ilinniagaqartoq pillugu paasissutissanik ilinniagaqarnersiutit pillugit malittarisassat aqunneqarnerannut pisariaqartunik pisortani oqartussaasunit, suliffeqarfinnit suliffeqarfinnillu namminersortunit pissarsiniarsinnaapput,
- 2) ilinniagaqartoq pillugu paasissutissanik ilinniagaqarnersiutit pillugit malittarisassat aqunneqarnerannut pisariaqartunik paarlaateqatigiillutik ingerlatitseqqissinnaapput, paasissutissallu taamaattut imminnut

atugassanngorteqatigiissinnaallugit,

3) Kalaallit Nunaanni nunaniluunniit avannarlerni innuttaasunut Namminersornerullutik Oqartussanit ilinniagaqarnersiutisiaqartitsineq pillugu paasissutissanik inuit pineqartut taakku piffissami taannaasumi Kalaallit Nunaannit aamma nunat avannarliit ilaannit ataatsimit ilinniagaqarnersiutininik ataatsikkut tiguisinnaatitaanatig tiguisannginnissaannik nakkutilliinermi pisariaqartunik nunani avannarlerni ilinniagaqarnersiutininik aqutsisoqarfinnut ingerlatitseqqissinnaapput, aamma

4) ilinniagaqartut aqqi najugaallu pillugit paasissutissanik ilinniagaqartunik ilinniarnernup naammassineqarnerani Kalaallit Nunaanni sulisussarsiniarnermi atorineqartussanik aamma ilinniarnernup nalaani sulinermik misiliiffissat ilinniarnernullu nalaani suliffissat pilersinniarnegarneqarneranni atugassanik Kalaallit Nunaanni pisortani oqartussaasunut suliffeqarfinnullu namminersortunut ingerlatitseqqissinnaapput. Tamanna aatsaat pisinnaavoq ilinniagaqartoq akuersisseqqaarlugu.

Imm. 2. Imm. 1 tunngavigalugu paasissutissanik pissarsiniartarneq ingerlatitseqqittarneq pillugit malittarisassat erseqqinnerusut Naalakkersuisut aalajangersarsinnaavaat, matumani paasissutissat qarasaasiakkoortumik pissarsiariniaqquneqarsinnaanerit ingerlateqqeqquneqarsinnaanerallu ilanngullugit.

§ 29. Akiligassat akilerneqartussanngorsimasut akileqqullugit nukingisaarutininik nassiussinermut atatillugu nukingisaarinermut akiliutininik Naalakkersuisut akiliisitsisinnaapput.

Imm. 2. Akiliutissap annertussusaa Aningaasanut Inatsimmi aalajangerneqassaaq.

Imm. 3. Nukingisaarutininik nassiussinerni pingasoriaannarluni nukingisaarinermut akiliuteqartitsisoqarsinnaavoq.

§ 30. Ilinniagaqarnersiuteqalersinnaanermik aalajangiinerit ullup aalajangiiffup kingorna sapaatit akunneri arfinillit qaangiutsinnagit allakkatigut Naalakkersuisunut naammagittaalliutigineqarsinnaapput.

Imm. 2. Piffissarititaasoq imm. 1-imi taaneqartoq Naalakkersuisut malinngitsoorsinnaavaat.

Imm. 3. Naammagittaalliornissamut periarfissaq pillugu malittarisassat Naalakkersuisut aalajangersarsinnaavaat, matumani naammagittaalliutit pillugit suleriaaseq ilanngullugu.

Kapitali 9

Atortuulersitsineq, atorunnaarsitsineq ikaarsaariarnerlu pillugit aalajangersakkat

§ 31. Peqqussut manna 1. august 2005-imi atuutilerpoq, ilinniagaqarnersiutinullu ullormit tassannga tunniunneqartartussanut sunniuteqarluni, taamaattoqli tak. imm. 2.

Imm. 2. § 30 1. januar 2005-imi atuutilerpoq.

§ 32. Ilinniagaqarnersiutit pillugit Inatsisartut peqqussutaat nr. 3, 2. maj 1996-imeersoq 1. august 2005 aallarnerfigalugu atorunnaarsinneqarpoq, taamaattoqli Inatsisartut peqqussutaanni nr. 3, 2. maj 1996-imeersumi § 26 1. januar 2005 aallarnerfigalugu atorunnaarsinneqarpoq.

Imm. 2. Naammagittaalliutit 1. januar 2005 sioqqullugu Ilinniagaqarnersiuteqartitsinermi Naammagittaalliuteqartarfimmut tunniunneqarsimasut Naammagittaalliuteqartarfiup inarlugit suliarissavai Inatsisartut peqqussutaat nr. 3, 2. maj 1996-imeersumi aalajangersarneqarsimasut tunngavigalugit.

§ 33. Aqutsinikkut aalajangersakkat Inatsisartut peqqussutaat nr. 3, 2. maj 1996-imeersoq tunngavigalugu aalajangersarneqarsimasut peqqussummut matumunnga assortuuttuunngikkunik atuutiinnassapput, allanngortinneqarnissamik imaluunniit aalajangersakkanit peqqussut manna naapertorlugi aalajangersarneqarsimasunit atorunnaarsinneqarnissamik tungaanut.

§ 34. § 8 ilinniagaqartunut 1. januar 1994 sioqqullugu ilinniartussatut tiguneqarsimasunut atuutinngilaq.

§ 35. Ilinniagaqarnermi taarsigassarsiat naalagaaffimmit aamma Nunatta Karsianit aningaasalersugaasut 1. august 2005 sioqqullugu tunniunneqarsimasut tamanna pillugu malittarisassat malillugit ernialersorneqassapput.

§ 36. Ilinniagaqarnermi tigusassarinagit 1. august 2005 sioqqullugu tiguneqarsimasut taamanikkut malittarisassat atuuttut malillugit ernialersorneqassapput. Ilinniagaqarnermi tamatum kingornatigit tigusassarinagit tiguneqarsimasut § 21-mi aamma § 22-mi malittarisassat malillugit ernialersorneqalissapput.

§ 37. Taarsigassarsiat 1. august 2005-imi akilerneqarnissaannut aalajangiiffineqareersimasunut imaluunniit isumaqatigiissiorfigineqareersimasunut § 18, imm. 1 aamma § 18, imm. 5 sunniuteqanngillat.

Namminersorlulik Oqartussat, 14. november 2004

Hans Enoksen

/

Henriette Rasmussen

Namminersorlulik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlulik Oqartussat inatsisinut toqqorsiviat

Naalakkersuisut